

TOTIHITAWË THAMOTIMA THE Æ

PREÁMBULO

Enaha thë puhi tao kuaai, wã rëamai thë, peheti he usukuwë thë, wã topiao thë kãi, hei thë pë nohi taemopou piyëkou, ìhĩ thë pë nohi ìhĩpimopouha totihitawë thamotima thë hami he usukuwë thë pë nohi taeyou totihitaopë,

Enaha thë puhi tao kuaai, totihitawë thamotima thëni thë taimi ha, thë pë kãi shomiaprai ha, hei wãritiwë thamotima thë kipi thaprarema. Komi pëmaki rë kui pëmaki kirihou mai, pëmaki kãi no preaai mai pëmaki përihou piyëkopë, pëmaki ã topiaopë, pëhetiapramotima thë pë hami.

Enaha thë puhi tao kuaai, totihitawë thamotima thë rë wã nosie huamotima thëni thë nohi thapopë, komi urihitheri thë pë no yuayou maöpë,

Enaha thë puhi tao kuaai, thë pë përihiwë rë piyëkëi thë pë puhi taamayöpë thë pë rĩmimayöpë,

Enaha thë puhi tao kuaai, komi urihitheri ONU thë ha thë pëhetiapraihe, totihithawë thamotima thë hami, suwë wãro pei pëmaki no rë kui thë pë no ã hë usukuwë, kama pëni thë ã wawemarëmahë thë pë puhi rë taamaïwëi,

Enaha thë puhi tao kuaai, komi urihitheri pë rë kui ONU thë iha thë pë ã wawëtokema totihitawë thë ã nosi riã ha poheni,

Enaha thë puhi tao kuaai, thë pë ã rë wawëtokenowëi thë pëni thë ã hĩriapehe thë ã nosi kãi popehe

Ìhĩ thë no ã ha TOTIHITAWË THAMOTIMA THE Æ wëyëi piyëkouhe.

Hetipëtëwë 1

Kõmi thë pë rë përiprawë rë piyëkëi, he usukuwë thë pë keprou ai thë ã rëamaihã no ã heparohowë, totihitawë thë pë riã rë thaiwehei hami, thë pë puhi tao kãi përihiwëha, thë pë puhi kãi katehewëha hawë kama thë pë mashi shĩro përihimopë.

Hetipëtëwë 2

Kõmi thë pë ihami totihitawë thamotima thë kuprawë , thë ã rë maiha thë pë përiprawë, wã katehano thëni thë wãhã no wayoano, suwë, wãro, pei kahi, thë pë rë reahumouwëi, napë thë ã, no matohipi, no preaarewë, thë pë rë kepronowëi hami, ai thë pë sho, shomi urihitheri himayõumahëi.

Kõmi thë pë ihami totihitawë thamotima thë kuprawë , thë ã rë maiha thë pë përiprawë, ma kui ai thë pëni thë pë urihipi rëpoumakuhei thë pë riã përio topiao he yatio.

Hetipëtëwë 3

Yãmi kõmi thë pë ihami totihitawë thamotima thë kuprawë thë pë rë përiaiwei thë pë kuprawë, ai thë ã rëamai, peheti thë pë rë përiaiwei.

Hetipëtëwë 4

Ai thë pë iha horemou wamaki no ohotamopi mai, horemou ohotamomamotima thë thamai puhioi he parohowë.

Hetipëtëwë 5

Thë pë shëmour taomi, thë pë wãhã kãi wãrĩhĩthomamou taomi, thë pë shëmour wãritiai taomi.

Hetipëtëwë 6

Thë pë përiprawë rë piyëkëi thë pë ihami totihitawë thamotima thë kuprawë, thë pë nohi riã hatukëmopou piyëkou.

Hetipëtëwë 7

Wã nosie huamotima a hami, komi hititiwë thë pë he usukuwë, thë pë nohi kãi thapou piyëkou. Hei wã katehano thë rë kui thëni, hititiwë wã nosie huamatima ani wãrĩhĩtho thamotima thë hami, thë pë he komi rupou piyëkou; wãrĩhĩto thamotima thë hami thë pë no yuo maöpë.

Hetipëtëwë 8

Komi hititiwë thë pë rë kui, thë pë payeriopë nohi thapowëwë pata pëni, pë nohi rë hatukëawei kama urihithëri thë pëni , totihitawë thamotima thë wãrĩhĩtho thai maöpehe.

Hetipëtëwë 9

Enaha pëtawë thë pë huëamou taomi, thë pë kãi ôkamopou taomi ai thë urihi hami thë pë shimamou ayao taomi.

Hetipëtëwë 10

Komi hititiwë thë pë ihami, totihitawë thamotima thë kuprawë, thë pë he pruka usukuwë, nohi thapowëwë pata pë mithari hami, thë a riã hai thë a riã ha hĩrĩãmoni thë rë thanowëi thë hami thë wãhã no wëyëihe tēhë, thë no ã he riã ha ruoni.

Hetipëtëwë 11

Hititiwê thê pê rê kui thê pêni ai thê ma thamonomai thê pê wâhâno wêyêihe tēhê thê pehetiapai haia maheîha thê shurukuamou haio taomi. Nohi thaporewê pata pêni thê pehetiapai haia maheîha pê noa napēmou taomi.

Thê pê wâhâno wêyeyono ma mai, thê pê wâhâno wêyeyou, enaha thê thamou taomi. Hapa hote wârîtîwê thê ani hei tēhê thê wârîtîwê he parohowê thê thamou taomi.

Hetipêtêwê 12

Ai thê puhi pētouha ayaroni , thê pê yahipi hami, thê he haprou ayou taomi, therihê pê ihami kâi, ôniôni a shimaihe tēhê thê kâi mii pario ayao taomihe, komi thê pê mithari ha wa thê wâhâno wêyêi ayao taomi. Îhî thê pê hami totihitawê thamotima thê rê kui wâ nosie huamotima thêni thê pê nohi thapou piyêkou.

Hetipêtêwê 13

Hititiwê thê pê ihami totihitawê thamotima thê kuprawê, ai thê â rêamaihâ thê pê riâ huu piyêkou, wa thê nohi rê pêripouwei thê urihi ha thê pê kâi riâ shaponomou.

Hititiwê thê pê ihami totihitawê thamotima thê kuprawê îhî thê no âhâ thê pê rê pêrihiwê rê piyêkêi thê pê urihipi hami, thê pê kâi riâ huu, thê pê urihipi nohi kâi rê pêripai, thê pê urihipi nohi kâi riâ kôo mi yapao.

Hetipêtêwê 14

Ai thê yapêkamahe tēhê, kômi hititiwê thê pê ihami totihitawê thamotima thê kuprawê thê pê rê hithêpraamaiwêi a urihi ha, îhî â hâ thê pê â riâ topiao, shomi thê pê urihipi hami kâi.

Hei a hami totihitawê thamotima thê rê kui thê wâhâ pomou taomi thê kâi puhipramou taomi, wâ nosie huamotima nohi thaporewê pêni thê pê huēmamaihê tēhê peheti kômi yapêkamotima thê pê hami pei thê hapa rê hupêtarenowêheî thê pêni kâi.

Hetipêtêwê 15

Hititiwê thê pê ihami totihitawê thamotima thê kuprawê, kama urihi theri thê pê wâhâ hirou katitou.

Thê puhi pētouha ayaroni kama urihitheri thê rê kui thê mapramai ayao taomi, totihitawê thamotima thêni hawê kama e thê wâhâ riâ hiroprou kuo.

Hetipêtêwê 16

Wârô, suwê pê sho, kama huya thê pê riâ rê toayouwei hami totihitawê thamotima thê kuprawê ai thê â rêo taomi. Ai thê â rêamaihâ suwê , wârô pê sho thê pê riâ toayou, kama theri thê pê wâhâ hirou, reahumotima kama urihithêri, îhî thê pêni totihitawê thamotima thê hami thê pê â rêo taomi, kama thê pê mashi riâ kuprou. Shoati totihitawê thamotima thê ha thê pê â riâ topiao, thê pê toayou pario tēhê, thê pê â topiao rê kuonowêi naha, thê â riâ topiao kuo shao.

Kama kêkipi rê puhiyouwei, peheti kêkipi riâ toayou.

Kama thê pê mashi shîroni pê shapono praukamaihê îhî thê no âhâ totihitawê thamotima thê rê kui, kama urihitheri thêni thê nohi thapouhe, kama thê pê shaponopi kâini.

Hetipêtêwê 17

Hititiwê thê pê rê kui thê pê matohipi riâ kuo, totihitawê thamotima thê ha, thê pê rê perihii hami kama thê pê urihipi riâ rii kuomopotayou.

Pei thê puhi pētouha ayaroni thê pê matohipi riâ rêmaimihê thê pê rê perihii hami urihi â kâi rêmai taomihe.

Hetipêtêwê 18

Hititiwê thê pê rê kui ai thê â rêamaihâ totihitawê thamotima thê ha thê pê puhi tao kâi riâ pêrio, reahumotima thê hami, thê pê puhi katehewêha; totihitawê thamotima thê ha thê â kâi koyokoa reahumotima thê riâ rê hemihipraiwei, ai thê â rêamaihâ thê riâ owēmamou komi thê pê mithari ha thê kâi riâ owēmaihe, thê pê hirayou tēhê, thê pê owēmayōu tēhê, peheti thê â huamou sharirou ha.

Hetipêtêwê 19

Ai thê â rêamaihâ hititiwê thê pê rê kui yâmi thê pê puhi riâ piyêkou, thê wâhâno riâ rê wayoiwehei; îhâ thê â kâi koyokoa thê â hai tēhê thê â nohi wârimopou taomi, ma kui yaniki thê riâ wârimou kuaahêrii, thê â riâ opisi tēamou kuaaherii, thê â riâ wêyēmou piyêkou wânoshimamotima thê pê hami.

Hetipêtêwê 20

Hititiwê thê pê ihami totihitawê thamotima thê kuprawê ai thê â rêamaihâ thê pê â riâ wayou kâi yototai thê pê riâ rê thaiwehei thê pê wâhâno wayoihe ha.

Ai thêni yototamotima thê hami thê shimai ayao taomi.

Hetipêtêwê 21

Hititiwê thê pê ihami totihitawê thamotima thê kuprawê patamorêwê thê pê rê kui thê pê â wayou kâi riâ roaai narêo kama peni a pata rê thanowêheî pê mithari ha kâi.

Hititiwë thë pë ihami totihitawë thamotima thë kuprawë kama thë pë rë përiprai hami thë ohotepi rë shatiprai, thë pë riã ohotamou toaai.

Patamorëwë thë pë rë kui, thë pë shaponopi kãi rë përiowei thë pë iha thë pë patamou. Ei thë rë kui thë pë shaponopi kãi rë përiowei thë peni thë pë wãhãno ha wayoaheni thë yaiaprai shoahe yaiamotima thë kuo tëhë thë pë yaïamou hãthõo.

Hetipëtëwë 22

Hititiwë thë pë ihami totihitawë thamotima thë kuprawë kama thë pë rë përiprai hami pata thë pëni thë pë nohi kãi hatukepopehe, ai urihiheri thë pë patani thë pë nohi kãi hatukëpopehë, thë pë puhi topramapopehe, ìhĩ thë nohi yaimopou thë pë puhi wetinahamou maõpë, peheti thë pë përihopë.

Hetipëtëwë 23

Hititiwë thë pë ihami totihitawë thamotima thë kuprawë, thë pë urihipi riã hupëo, ai thë ã rëamaihã thë ohotë hurimopë, thë prewë thaporaheni, pata thëni ohotamorëwë thë pë rë kui thë pë nohi pëyëpou thë pë ohotë kuo maõ tëhë.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kãi kôo he usukuopë.

Hititiwë thë pë ihami totihitawë thamotima thë kuprawë he husukuwë thë pë no kôo, thë pë puhi kãi owëhëo, kama pë shĩro rë kui e pë puhi kãi përio mi hetuopë e thëki peheriproimiha pë kãi rë përioweini ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yãnikio pariopë, thë pë riã huu toatarou, toprao thë pë kãi rë ohotamonowëĩ thë no kãi riã kôãmamou thë ma yãnikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio toprao kama theri thë pë shĩro sho, nii pë hami, yahi pë sho, thë pë kãi temio topraopë, thë pë kãi titihopë, thë pë nohi kãi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wãrõ rë patai, thë pë suwe kãi rë patai, ai thë pë wãrĩtiwe kãini thë pë pehetipopehe.

Suwë shipënapi thë pë rë kui, ihiru, marânapi, suwëhëri marânapi thë pë komi sho, totihitawë thamotima thëni, thë pë nohi thamopou topraopë. Hititiwë ihiru hĩpi kua pë rë keprouwei, pë hĩpi ma kua mai pë kãi rë keprouwei, totihitawë thamotima thë kuprawë peheti pë nohi kãi thaprawë.

Hetipëtëwë26

Hititiwë thë pë ihami totihitawë thamotima thë kuprawë, thë pë kãi hirayopë. Hiramotima thë pë rë kui, nomraiha thë pë hiramou pariopë. Hiramou pariotima thë hami thë pë ihirupi shimio he parohoopë. Hiramou pariotima thë nohã hami ìha hititiwë thë pë ònimou taai he parohoopë; ònimou pata thë rë kui hititiwë thë pë pehi ma kui thë pë puhi moyãwei rë thë pë pehi shĩro kuopë.

Hiramotima pë hami, puhi tao thë pë kupropë ìhĩ thë no ãhã totihitawë thamotima thë pë nohi asipopehe ai the ã rëamai thë sho; thë pë rë përiprawë piyëkëi thë pëni, thë pë nohi kãi rë yaipouwehei thë pë hami, thë pë no ìhĩpipopehe, thë pë kãi puhipyopë, O.N.U. thëni thë thamai rë puhiiwei thë ã riã praukamai ha piyëkoni, thë pë ã riã topramapou ha totihioni.

Pë nĩ, pë hĩ thë pëni e thë hiramai shi rë topraowehei e thë hiramai puhipehe.

Hetipëtëwë 27

Komi hititiwë thë pë ihami totihitawë thamotima thë kuprawë, thë pë rë përihii thë pëni thë pë rë tai rë piyëkouwehei thë pë hami ai thë ã rëamaihã, thë pë no riã taayou, thë pë a kãi riã toprao, matohi pë rë thanowëhëĩ pë hami, ìhĩ thë pë matohi ha thë pë ã riã toprarou.

Hititiwë thë pë ihami totihitawë thamotima thë kuprawë, thë pë nohi thaopë, kama thë pëni thë pë rë thaiwehei thë pë hami, thë kãi rë ònimaiwëhëĩ thë pë hami, noshiharirawë thë pë kãi rë kopemaiwëhëĩ hami kãi.

Hetipëtëwë 28

Komi hititiwë thë pë ihami totihitawë thamotima thë kuprawë ai thë pëni thë ã rë thaiwehei, thë ã nosi popehe.

Hetipëtëwë 29

Komi hititiwë thë pëni ohotë thë huripehe kama thë pë shaponopi hami, ìhĩ pë shapono hami toprao thë pë parahërii.

Totihitawë thamotima thë hami thë pë rë wapëohëriiwei ai thë pë ihami totihitawë thamotima thë pë kãi kuprawë, ìhĩ ei thëni thë nohi hatukëmapou totihitawë thamotima thë rë kui ai thë ã reamai thë sho. Mihi totihitawë thamotima thë hami peheti thë pë kuaahërii, yaïamotima thë hami thë pë rë patamou thë kuo tëhë.

Hei totihitawë thamotima thë rë kui ai thë ã kua mai thë pë sho O.N.U. thë rë kuuwei thë ã nohi wãrĩpou taomi.

Thē pē rē pērihouwei thē pēni, yototarewē pēni , ai yāmi thēni wa katehano thēni totihitawē thamotima thē wāhā no wēyēi ha ai thēni thē wāhā nohi taeai taomi, thē wāhā kāi hemihiprai ayao taomi.